



UNIVERSITÄTS-
BIBLIOTHEK
PADERBORN

**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. IV. Quæ causæ pertineant ad Concilium Imper. aucilicum?

[urn:nbn:de:hbz:466:1-61662](https://nbn-resolving.org/urn:nbn:de:hbz:466:1-61662)

§. IV.

*Qua Causa pertineant ad Concilium Imper.
Aulicum.*

SUMMARIUM.

747. *Causæ pertinentes ad Cameram Imperialem pertinent pariter ad Concilium Aulicum Imper.*
748. *Et illæ ad hoc, quæ non pertinent ad illam.*
749. *Conveniuntur coram summo hoc Tribunali immediati subditi Imperij in prima instantia, in secunda omnes mediati.*
750. *Exceptis Personis Cameralibus.*
751. *Causæ Ecclesiasticæ ibi non deciduntur, uti nec in Camera Imperiali.*
752. *In Causis, quæ summis his Tribunalibus communes sunt, locus est præventioni. Nec unum præventum amplius se immiscere valet.*
753. *Austregarum, aliæque Statuum Imperij privilegia, etiam quoad Concilium Aulicum locum habent.*

747. Non hîc de Causis ad Judicium Aulicum Cæsareum (seu, ut comuniter vocatur, Concilium Aulicum Imperatorium der Reichs Hof Rath) pertinentibus idcirco sermo est post causas ad Cameram Imperialem spectantes, quòd ista illi aut dignitate aut antiquitate præcellat: nam, ut nihil de dignitate dicam, vetustate antecedere Concilium Aulicum demonstrant D. ab Andlern *Jurisprud. Publ. & Priv. lib. 2. tit. 3. n. 8. §. 15.* ac Schvvederus *Introduc. in Jus Publ. part. speciali sect. 1. c. 12. n. 2.* Sed quòd ex ijs, quæ de Causis Cameralibus dicta sunt, ultrò patet, quæ Causæ sint propriæ supremi hujus Tribunalis, de quo modò agitur. Igitur cum Concilium hoc Aulicum, seu, ut aliter loqui solent, Aula Cæsarea, concurrentem cum Camera Imperiali jurisdictionem habeat, ut dixi suprâ n. 738. consequens est, quòd ad illud quoque pertineant cumulativè & cum jure præventionis omnes causæ, quæ

in Camera Imperiali decidi possunt, & enarratae sunt supra à n. 715. usque ad n. 736. inclus. ita ut in ijs omnibus Actori liberum initio sit vel Judicium Imper. Aulicum vel Camera adire.

748. Illae verò Causae, quae à Camera Imperiali decidi nequeunt, & relatae sunt supra à n. 741. usque ad n. 745. inclus. privativè ad Judicium Imper. Aulicum pertinent, ut sunt Causae Regalia Feuda concernentes; Causae Italicae; Concessio & Confirmatio privilegiorum; Concessio veniae ætatis; Restitutio famae; Causae teloniorum; Causae Criminales Statuum Imperij; Causae moderationum; Legitimatio & Legitimationis confirmatio &c. de quibus fuse Paurmeister. *de Jurisd. lib. 2. c. 4.* Matth. Stephani *lib. 2. de Jurisd. p. 1. c. 1. membr. 2.* Castald. *de Imperat. q. 110.* Brautlacht. *lib. 7. Jurisprud. Publ. c. 8.* Knipschildt *de Jurib. Civit. Imper. lib. 2. c. 33. à n. 21.*

749. Itaque in Aula Cæsarea, seu coram Senatu Imper. Aulico, in recensitis Causis tam cumulativè quàm privativè illuc pertinentibus, conveniri in prima instantia possunt omnes Imperio immediatè subjecti, uti sunt Electores, Principes tam Ecclesiastici quàm Seculares, Prælati, Comites, Barones, Nobiles & Civitates Imperiales: nisi speciali privilegio vel præscriptione sint exempti. In secunda verò instantiâ & per viam appellationis illuc deferuntur causae eorum, qui Imperio mediatè subjecti sunt; atque etiam immediatè subjectorum, qui quoad primam instantiam ab Imperatoris jurisdictione per speciale privilegium vel aliâ ratione sunt exempti. Paurmeister. *cit. c. 4. n. 271.* Knipschildt *cit. c. 33. n. 26.* ubi insuper observant, quòd provocationibus ab Imperatore recipiendis modus & quantitas rei non sit præscripta, & Imperator summam in Camera appellabilem non teneatur observare. Verùm non quamcunque summam in Judicio Aulico esse appellabilem, constat ex ultima ejus Ordinatione *tit. 2. Wir befehlen auch. V. und die Summa / unter welcher man nicht appelliren.*

750. Excipiendæ tamen hîc sunt Personæ Camerales, de qui-

bus dixi supra n. 706. Hæ enim in Camera forum privativè habent, uti patet cum ex *Ordin. Cam. p. 1. tit. 63. prin.* tum ex R. J. anno 1654. §. 141. ubi iisdem utrobique terminis de iisdem statutur, das sie anderer Gerichts-Zwang frey seyn / und damit durch niemand in keine Weeg beschwert werden sollen / *ut à compulsione alia judiciali sint liberi, illaque à nemine quavis ratione graventur.* Solum dicitur *cit. Ordin. Camer. p. 3. tit. penult. §. 14.* quòd si Assessores Camerae animo malitioso malè judicaverint, atque Syndicatus fuerint accusati, contra illos coram Imperatore, seu (quod in idem recidit, in Aula Cæsarea) ad condignam poenam procedi debeat. Quæ exceptio firmat regulam in alijs casibus non exceptis. *Blumen Process. Camer. tit. 26. n. 12.* D. ab Andlern *Jurisprud. Publ. & Priv. lib. 2. tit. 3. n. 32.* Ex quo iste rectè infert, eodem vicissim privilegio gaudere Consiliarios Judicij Aulici, ac coram Camera conveniri non posse.

751. Quemadmodum verò in Camera Imperiali non tractantur Causæ Sacræ & Ecclesiasticæ, uti Matrimoniales, Decimarum, Juris Patronatus &c. ut dixi supra n. 739. § 740. ita pariter non tractantur in Concilio Imper. Aulico. *Paurmeist. cit. c. 4. à n. 150.* *Reinkingk lib. 3. de Regim. Eccles. class. 1. c. 10. n. 22.* *Schvveder. l. c. n. 8.* *Knipschildt cit. c. 33. n. 24.* Nisi fortè cum solum agitur possessorio *Recuperanda* aut *Retinenda*, vel sola vertitur quæstio facti. Videantur ea, quæ dixi *cit. n. 739. § 740.*

752. In illis porrò causis, in quibus concurrunt suprema hæc Tribunalia, Judicium videl. Aulicum Imper. & Camera Imperialis, locus præventioni est, ita ut coram eo causa disceptanda sit, coram quo primùm lis coepta fuit per citationem legitimè insinuatam aut saltem decretam. Ita habetur *Ordinat. Judic. Aul. tit. 2. §.* So wollen wir auch. Hinc si lis in Camera coepta fuerit in causis illuc pertinentibus, eas avocare vel inhibitiones decernere, aliavè viâ cursum Justitiæ impedire non potest Concilium Aulicum. *cit. Ordin. l. c. R. J. anno 1654. §. 166. Capitulat. Leopold.*

art. 42. & Josephina art. 41. Univerſim cauſa ſemel cœpta in uno horum Judiciõrum, avocari & trahi ad alterum non poteſt. O. C. p. 2. tit. 35. R. J. Spir. anno 1570. §. 42. Gaill. lib. 1. obſer. 41. n. 3. Schrader. de Fend. p. 10. ſect. 5. n. 185. Reinkingk lib. 2. de Regim. Secular. claſſ. 2. c. 14. n. 15. Bocer. de Jurisd. c. 7. n. 53. Befold. Theſaur. Pract. V. Abforderung, Roding. lib. 1. Pandect. Cameral. tit. 3. n. 9. Paurmeiſter. lib. 2. de Jurisd. c. 6. n. 80. Neque ipſe Imperator cauſas in judicio Camera Imperialis pendentes ad ſe avocare poteſt, aut Camera inhibere, ne porro in aliqua cauſa procedat: cum juxta Ordinationem Imperij p. 2. tit. 35. exercitium jurisdictionis Camera impediri non debeat, ac per modum contractus Imperator in Ordinationem Camera conſenſerit, ac proinde ad ejus obſervantiam etiam de Jure communi obligetur, juxta L. Digna vox C. de Legib. ac communem DD. ibi & in L. Ex imperfecto C. de Testam. Præterquam quod Judicium Camera non à ſolo Imperatore, ſed etiam à Statibus Imperij conſtitutum ac hætenus continuatum fuerit. Gaill. lib. 1. obſer. 41. n. 3. Blumen Proceſſ. Camer. tit. 25. n. 21. qui n. 23. qui n. 23. putat, neque cum Statibus ſimul poſſe ab Imperatore cauſas ibi pendentes avocari: eò quod poſtquam cauſa pendere cœpit, res non ſit amplius integra c. 20. de Offic. & poteſt. Judic. Deleg. re autem non amplius integrâ ne quidem Jurisdictione Delegata revocari poſſit arg. §. 9. Inſt. de Mandat. junct. cit. c. 20. multò igitur minus Ordinaria, qualis eſt Jurisdictione Camera. Verùm poſterior hæc opinio admittenda non eſt. Nam, ut ait, J. C. L. 58. ff. de Judic. judicium ſolvitur vetante eo, qui judicare juſſerat: vel etiam eo, qui majus imperium in eadem jurisdictione habet (qualis eſt v. g. Proconſul reſpectu ſui Legati, Episcopuſ reſpectu ſui Vicarij Generalis) vel etiam, ſi ipſe Judex ejus imperij eſſe cœperit, cujuſ erat, qui judicare juſſit. Idemque traditur C. Ut noſtrum 96. de Appellat. Unde poſſe Superiorem cauſam coram Judice inferiore pendentem, eo in ſtatu, quo eſt apud inferiorem, ad ſe vel motu proprio vel ad instantiam partis avocare, apertiffimi juris eſſe
ajunt

ajunt Befold. *Thesaur. Pract. V. Abforderung & Berlich. tom. 1. conclus. 6. prin.* ubi plurimos allegat. Possunt igitur Imperator simul & Status causas à Camera avocare, utpote à quibus ipsa jurisdictionem habet, & quos huic suo juri renuntiâsse nusquam legitur. Neque obest, quod ille ulterius ait, eam jurisdictionem lege delatam fuisse: cum constet, posse illum legem tollere, qui tulit. Cæterum possunt ab Aulico Concilio impetrari Literæ Promotoriales seu Imperiale Rescriptum ad Camera Imperialem pro excitanda & acceleranda justitiâ, ut ista maturè & celeriter admittretur, uti præter experientiam & usum quotidianum testantur Gerard. *de Supr. J. R. Germ. Judic. discurs. 1. c. 3.* Schvveder. *l. c. n. 7. in fin.* D. ab Andlern *l. c. n. 40.*

753. Quemadmodum verò Camera Imperiali, quando in causis eò pertinentibus Senatum Aulicum prævenit, salva, ut modò dixi, esse debet sua jurisdictione; ita pariter salva esse debent Statibus Imperij privilegia primæ instantiæ, Austregarum, de non appellando &c. *Instrum. Pacis Osnabrug. art. 5. §. 20. V. Cetera, R. J. anno 1654 §. 168. Ordin. Judic. Aulic. tit. 2. §.* Wir beschlen auch. *Capitul. Leopold. art. 18. Joseph. art. 17.* ubi Rescripta, Inhibitiones, Mandata, quæ his promissis adversa sunt, nulla pronunciantur. De quæstionibus, quæ nonnunquam eidem Concilio Aulico à Statibus Imperij, uti cum agitur de eorum vita & fama, moventur, privatorum non est agere, sed earum decisionem summo Imperij Capiti & Statibus relinquere.

CAPUT V.

De Causis Mixti Fori.

§. I.

Quanam Causæ sint Mixti Fori.

Cccc 3

SUM.